

Governo Nasionae Veneto

Statuto provixorio dee forme del Governo Nasionae Veneto par l'ano 2013

Con Popolo Veneto se intende ogni Veneto che vante na disendenza direta da sitadini dea Serenisima Republica de San Marco, sia anca solo da parte de mare o pare, e che, co l'autosertificasion, el manifeste e dichiara a chiara consapevoesa e volontà de cosiderarse ed esare considerà de Nasion Veneta a tuti i efeti, cioè erede e titolare dea sovranità originaria del Popolo Veneto sui teritori Veneti.

Nasion Veneta e Popolo Veneto coinside nel significà e cosita anca se riferio ai organi o enti attraverso cui a Nasion o el Popolo deciderà de gestirse. El Popolo Veneto pretende che a so autorità no a sia mesa in discusion cauxa deviàe interpretasion storeghe o giuridighe so a propria autorità giuridega fundamentae. Pertanto el dichiara che sia da considerare e forme attraverso cui eso el reaixa come provixorie, ma non nel propio prinsipio ininteroto de continuità de trasmision de poteri fra i avi e i Veneti de oncò.

Ogni Veneto che gàpia i requixiti pa esare ameso nea Nasion Veneta e che tramite e forme previste lo richieda a propi pari posiede l'inegabie diritto de esare ameso al'Asenblea Generae del Popolo Veneto. A seguito de sertefegada rinuncia dea sitadinansa italianane e forme previste, a nesun Veneto podarà venir negà el diritto partecipare senza alcuna limitasion ae Istitusion.

L'Asenblea Generae del Popolo Veneto xe l'organo cui acede solo i iscritti al'Anagrafe Storica del Popolo Veneto e a ea compete el diritto de esare propoxitiva e scoltà dai organi superiori. El Major Consejo xe l'organo a cui se acede solo dopo aver fato esplicita e protocolada rinuncia dea sitadinansa italiana preso propio comune de residensa, riconsegnando pure a Tesera Eletorae, e na volta amesi se assume el diritto de voto so e proposte provenienti da l'Asenblea Generae del Popolo Veneto, dal Major Consejo, dal Minor Consejo e Prexidensa. El Minor Consejo xe l'organo costituio da N.H. del Major Consejo e se acede solo dopo esare stài eleti dai membri del Major Consejo par svolxare spesi fighe competence. A carica de Prexidente del Governo Nasionae Veneto o del Popolo Veneto se acede dai membri del Major Consejo tramite elesion par maggioransa. Al Prexidente del Popolo Veneto speta de soperire co decreti a l'ireaxibiità de e forme previste e de e carenze de organico. El Prexidente del Popolo Veneto poe esercitare el potere de Veto so e proposte legislative e inisiative che provien dai appartenenti ai organi descritti. El Prexidente del Popolo Veneto resta in carica finché con voto pa a sfiducia, l'Asenblea Generae del Popolo Veneto no lo suporta almanco co un quarto dei iscritti che partecipa.

A lengoa uficiae del Popolo veneto xe el Veneto e sarà mexo de espresion unico dei componenti dee Istitusion. A lengoa no sarà sotoposta a canoni gramaticai rigidi e condivixi finché no i sarà definii da apoxita comisiòn. L'unico prinsipio de riferimento sarà de rispondare al principio escluxivo dea comprensibiità. Pertanto se prevede a concordare unicamente a modaità de scrittura univoca dee Istitusion del Popolo Veneto e e modificasion da pore in uso rispetto altre xà utiixae e doparae: Governo Nasionae

Veneto, Asenblea Generae del Popoło Veneto, Major Consejo, Minor Consejo, Prexidente del Governo Nasionae Veneto.

A fondamento del Diritto e dea Legislasion, in atexa dea redasion dei prinsipi fundamentai e ispiradori de ogni Costitusion Veneta a cui se converà quando l'Asenblea Generae del Popolo Veneto ritegnerà a magioransa de poder riconosare a esa el caratere dea completenessa, sia da pore oltre ai prinsipi cristiani del rispetto e dea convivensa universae de tute e persone come espresi da San Marco Evangeista, nel Vangeo, in Mc 12, 29-31, interpretài secondo el bon senso e l'animo de el nostro Popolo, i prinsipi fondanti del diritto fra e Nasioni del mondo riportài nea "*Dichiarassion Universale dei diritti del'Homo*" de cui ghemo depoxità copia a Ginevra, nel Palaso dee Nasioni Unie, Sesion Diritti Umani.

El compito che el Popolo Veneto ascrive al Governo Nasionae Veneto xe de reaixare i seguenti obietivi: riunire el Popolo Veneto tramite l'iscrision a l'Anagrafe Storica del Popolo Veneto e farghe asumare consapevoesa de esare titolari dea Sovranità originaria soi teritori Veneti; trovare modi e forme parché el Popolo Veneto promova, exercite e difonda da suito e in maniere senpre pì estexe a propria autorità giuridega fundamentae; prosedare a liberasion dea Comunità Veneta soto el profio giuridego, sociae, culturae, teritoriae, economego, miitare [...] fin a la ricostitusion de e istitusion fundamentai de na libera Confederasion de Stati Veneti secondo el definirse de e identità pì particolari de e xenti che conpone el Popolo Veneto e so volontà; creare reasion internasionai xa dal primo momento in quanto sogeto giuridego internasionae a tuti i efeti al fine de rinforsare a progresiva afermasion e acresimento de l'identità Veneta nel mondo.